



Aningaasaateqarfimmi aningaasat katersat ileqqaakkallu erniaat taamaallaat atorpeqarsinnaaneri siunertaralugu Aatsitassarsiornermi Aningaasaateqarfik pillugu Inatsisartut inatsisaannut nr. 6, 5. decem-ber 2008-meersumut allannguutissamik saqqummiussinissaannik Naalakkersuisut peqquneqarnissaannut Inatsisartut aalajangiiffigisas-saattut siunnersuut.

Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata nr. 6, 5. december 2008-meersup allanngortinneqarnissaanut Naalakkersuisut peqquneqarnissaannut Inatsisartut aalajangiiffigisassaattut siunnersuut, imaalillugu Inatsisartut ukiut tulleriissut aappassaanni nunatta karsiata naatsorsuutaanik aatsaat akuersereeraangata aningaasaateqarfik aallartinneqartassasoq, aatsaallu ukiumi naatsorsuiffiusumi aatsitassanit isertitat 10 millioner kroninit annertunerusimappata. Inatsisartut inatsisaat ukiup tullissaani 1. janu-arimi atuutilissaaq imaluunniit Naalakkersuisut aalajangiippata siusinnerusukkut. 10 millioner kronit taaneqartut Inatsisartut ukiumi pineqartumi Aningaasaqarnermut inatsisaat naapertorlugu ataatsimut isigalugu akit akissarsiallu nalingannut naleqqussarneqartassapput.

Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaata nr. 6, 5. december 2008-meersup allanngortinneqarnissaanut kingusinnerpaamik FM2014-imi Naalakkersuisut peqquneqarnissaannut Inatsisartut aalajangiiffigisassaattut siunnersuut, imaalillugu Kalaallit Nunaata Aatsitassarsiornermi Aningaasaateqarfia pillugu Inatsisartut inatsisaanni aatsitassarsiornermit isertitanut paasinninnera Namminersorreq pillugu inatsimmi aatsitassarsiornermit isertitanut paasinninnermit immikkoortinneqassasoq. Allannguinermi tigussaasumik atortut, soorlu oliamik maqisuunniginnissamut atortut, illuutit sanaartukkalluunniit allat atortullu Kalaallit Nunaata Aatsitassarsiornermi Aningaasaateqarfiani aatsitassarsiornermit isertitatut naatsorsuutigineqanginnissaat allanneqartariaqarpoq.



(Inatsisartunut ilaasortaq Naaja Nathanielsen, Inuit Ataqatigiit)

Kalaallit Nunaanni Aatsitassarsiornermi Aningaasaateqarfeqarnermut siunertat pingaarnerit ilagaat siunissami tungiuinerup qularnaarnissaa. Aatsitassat isaatitsissutaasarpog piffissap ilaannaani, tassanngaanniillu isertitanik aningaasaateqarfimmumt nakkaatitsinikkumt qularnaarneqassaaq kinguaariit tulliiisa aatsitassanit iluaquserneqarnissaat. Tamanna siunissami kinguaariinnik ersoqateqarnertumt oqaatigisariaqarpog.

Ukiut qulingiluat qaanngilaarlugit matuma siorna nivaatap maggunnera siulleq pivoq, tassani taamani Namminersornermut, Aatsitassanumt Inatsisinillu atortitsinerumt Naalakkersuisuusup Jørgen Wæver Johansenip (Siumumt) ulloq 27. august 2004 Sermitsiami pingaarnertumt allaaserisamini siumumt isigaluni uuliasiornermi aningaasaateqarfik pillugu takorluukkani eqqartorpai. Jørgen Wæver Johansenip ersarissumik takuaa, pisariaqartog aningaasaateqarfimmik taamaattumik pilersitsinissaq, uuliap aanngajaartitsineranit silatusaarnissarput aanngartinneqartinnagu. Aningaasat isaalerpata atuinissamumt ussarnartorsiorneq akioruminaassammam.

Qularutissaanngilaq taamani 2004-mi siulittuillaqqinneq annertuumik pissutaaqataammam, 2008-mi norskit periusaat assilillugu uuliamumt aningaasaateqarfiliornissaq akuerineqarmam. Inatsisissaq Siumumeersumit Kim Kielsenimit saqqummiunneqarpog, taamani Attaveqarnerumt, Avatangiisinumt Aatsitassanullu Naalakkersuisuusumit. Inatsisissaq inatsisartumt tamarmik isumaqatigiillumt ilalerpaat, sioqqullugu allannguutissanik pitsaasunik arlalinnik siunnersuuteqartoreersorlu, aningaasaateqarfissap ilusaa annertusarniarlugu qularnaarniarlugulu, politikikkumt aningaasanik pingaarnersiuinissamumt qunutuneq piumassuseqannginnerlu pissutigalugit aningaasaateqarfiup ukiumoortumik aningaasanumt inatsimmi amingartoorutinumt matussutissatumt atorneqartannginnissaa.

Aatsitassanumt Aningaasaateqarfiup isumaa tassaavog – aatsitassanit isertitanik toqqorterinikkumt – pisortat aqunneqanngitsumik atuilersinnaanerisa pinngitsoortinnissaa, taamaaliorluni pinngitsoortinniarlugit aningaasap nalikillinnissaa unammillersinnaanerullu innarlerneqarnissaa. Tamatuma saniatigumt aamma eqqarsaataavog, Aatsitassanumt Aningaasaateqarfiup



Namminersorlutik Oqartussanut aningaasalersuinissaa, Danmarkimit tapiissutit ilanngarterneqalerpata. Tamanna ersarissumik atuarneqarsinnaavoq Kalaallit Nunaanni Aatsitassanut Aningaasaateqarfik pillugu inatsisip § 7-ata imm. 2-ani.

Tamatumunnga atatillugu akornutaanaviannigilaq, Aatsitassanut Aningaasaateqarfik, Namminersorlutik Oqartussanut aningaasalersuilertigani, aningaasanik eqiterisimassappat, erniortussanik, aningaasalersuinermi tamakkiisumik ilaannakoortumilluunniit matussutigineqarsinnaasunik.

Allatut oqaatigalugu Demokraatini isumaqarpugut pitsaassasoq Kalaallit Nunaanni Aatsitassanut Aningaasaateqarfimmi uninngasuutit erniaat kisimik inuiaqatigiit ingerlanneqarnerannut atorneqartassappata, taamaattumik siunnersuut taanna ilalerparput.

Inatsisartut ukiut tulleriissut aappassaanni nunatta karsiata naatsorsuutaanik aatsaat aku-ersereeraangata aningaasaateqarfik aallartinneqartassasoq, aatsaallu ukiumi naatsorsuiffiusumi aatsitassanit isertitat 10 millioner kroninit annertunerusimappata aningaasaliisoqartarnissaanik siunnersuut taamaattumik ilalerparput. Siunnersuutip qularnaassavaa, Aatsitassanut Aningaasaateqarfiup pivisunngortinneqartannginnissaa uuliasiornermi ukiumi ataasiinnarmi ingerlalluortoqarsimatillugu imaluunniit ataasiaannarluni annertuumik isertitsisoqarpat.

Aamma Demokraatini isumaqatingaarput, atortut soorlu oliamik maqisuunnginnissamut atortut, illuutit sanaartukkalluunniit allat atortullu Kalaallit N-naata Aatsitassarsiornermi Aningaasaateqarfiani aatsitassarsiornermit isertitatut naatsorsuutigineqassanngitsut. Demokraatinili Naalakkersuisut isumaqatigaagut, Aatsitassat pillugit Inatsimmi Namminersornerlu pillugu Inatsimmi isertitanut nassuiaatip assigiinnginnerata ajornartorsiutaasinnaanera ernummatigimmassuk. Inuutissarsiornermut Ataatsimiititap siunnersuut suliareqqilerpagu taamaattumik pingaarluinnarpoq pissutsip tamatuma misissoqqissaarneqarnissaa, Inatsisartuni paasisimasaqarluarluta siunnersuut Inatsisartuni suliareqqinniassagatsigu.



DEMOKRAATIT
DEMOKRATERNE

Demokraatini siunnersuutit pingasut Inuussutissarsiornermut Ataatsimiititaliami
suliarineqarnissaat innersuussutigaarput.